

GBAGYI - “Who will deliver me?”


NYIKANU BA GNIMIA

Mibelo zhiho n satiwyi, ma gnaba bedako koi woba. N osuho kni aiyi ge Lesotho kni (land) anyi ba knabe. Nzhi bedo n osu yi nwo nyiko-zayi. Nnabai bawo Shekoyi beda ba yezhi nna ba gbmanyi. Beda wye wyeyi nya oko kala du obe yakwo nyalo nko n na gbeyi gyi ngun aba, n babo lofi nba bugba.

Beda kpakalayi nunyi n mibo danyi. Osu nyiko woi cibwi ntu beda yi bo n mibo danyi har awyenyi kaya nwa wyebwo, wa laka n naza bmana. Woi gna bwi cici dai dai, woi gna, nyikanu ba gnimia ? Mi ba fye, nge fye bmami zhin. Omi bugba la wun ya, mi i zhin snagyi yi nu mito n nya ho nyahoi lon, nyikanu ba gnimia ? Nyikanu ba gnimia ? N shetan aknua ? Mi ba zhin n wuna ? Fye kpelo ge mizhin osu nyiko nu mizhin ma zhin aduwa n nyipyeyi ko suko.

Aye ladu shibaya (20 years) n milo aduwa nyakun, ama deye to bmami

NYIKANU BA GNIMIA ?



Oza nwo zhin laifi shetan nyanu nwoi, wosika kmisunyi. (1 Yoh. 3:8).

zhin, bain ta bmami zhin lon. Alaifi kumi pa mizhin nya sinyi nu dai dai (wine) min zhin zawu yi zanu, oma bwa ku wo asisi, ntuge mizhin oje tnu tnu (wine) n saho sahoi, deye zhin mi mila ze. Mizeyi cici, alaifi kumi pa, omi abwa kunu n na laifi zhin yi, mi zhin shetan kurkuku danun.

Wobo kubwi ci kpemi dai dai, wa sase wa gna bwi cici dai dai, zhimi anyikuli zhimi anyikuli, nyikanu ba gnimia ? Nyikanu ba gnimi nna laifi aknua ? Miku Shekoyi beda wo, ama alaifi lami wunya alaifi lami la loncei n shetan bmana, har mila mibi wu. Ntu nya sin sin bo n mibo sin nyi (wine) osa n mibo nwoi tu n bwoknu. Wa kaya, shi wobo kaya ma miya tuwo wa fi, mibafye lo, fye bmami zhin, fye bmami zhin n nnabai ma gbmi n na laifi zoko. Anaviyi asease ta bmami zhin lon. Nyi kanu ba gyimia ?

Ma dnawo begbe ma gna, mi saha milo bugba koto wunhon, ntuge oho bugba wun zhin aza vinya nyanu. Shekoyi beda la begbe dnaho nho bwici. (Rom. 7:15-25). Deye wuyi nu shi alaifi zhin ba paza bai jeyi wuge. Ozalo n woba gniyi. Nyikoyi wa cige miku kpege obo manayi ho to lo n maban miizhin, miyelo mazhin bemana ama mito nba kalayi lon. Abo manayi n mi shin zhin mito zhin ba lon, ama alaifi n mi zhin nyi obanu bwa sun, alaifi bugba n mi ncei dna nyi ba zhin milo mi zhin laifi cici. Mi zhin Shekoyi godiya lo ntu wo zafun gyi gyiyi bo n ko dnalo nmi bugba nyi, ama zaho dnalo n mi bugba woi fimiya dna n shetan atnutnu, ntu cenu oho bwici laze aza vinya nya owayo, owayo, nyikanu ba gnimia ?

BE GBEDNA NU NYI

Mici Shekoyi lo dna n Yesu Kristi oye mi. (Yoh. 8:36).


Ngwe Shekoyi nugun laho gni to laze oza gni gni yi gaiciya nya. Yesu nu zhin beho behoi begbednanyi nya nyawobo. Zaho zahoi tolo n woba gniyin, oye dnagbmami ho tolon n deye sintan n nabo ga ntu anyi bon, nwo knucelo wa gniyin. Atnutnuyi abo zhin zhin. (Acts 4:12).

Yesu nu kwasun n woba gniyi n yia laifi, sai Yesu ami n wa zeya tu n zun du nyi, okonu ba zhan yiya n yia laifi ozanu ta gni hon, Yesu wyidmyi nu to, ba gnihon, aduwa nyakun nu taye kwa gnihon oba vinya gni gni tolo n ban. Gni gni bwa sun lo n Yesu ami nu. Owo nu zhin Shekoyi nyakpa nwa zoyi, alaifi ya n na nyi nyi. Owonu bami wa gayi wye wyei nyalo nyalo nya, njesun woba gni fye nna laifi aba, nwo amiya

n zafun gyi gyi yi (Holy Spirit). Yesu Shekoyi nugun, wabe anyi ye. Woi ka akuturu gna, anya snayi woi kaba gna, woi knu azaya n wyegbma. (Ishaya 42:6-7).

Oza n nugun lawo gni wola ze oza gni gni yi gaiciya nya. (Yohanna 8:34-36). Barabas wobo zhin laifi danu, woi wu anyi, awowan a dawo efi wa, abo bawo wu tu n zun du n kunsun n Yesu yi, ama Yesu bela owo fi gwo tu wonyi.

MICI SHEKOYI LO DNA N YESU KRISTI



Yesu Shekoyi nugun, la fi tu n zundu. N tu yi vinya bo. Ala Barabas yabwa, Yesu Shekoyi nugun la fitu n zundu ntu yibo, ala Barabas yabwa, oho n miyi oyi nu zhin Barabas yi. A laifi gyiba zhin efi nu Shekoyi kyauta nu zhin wye wye nyalo nyalo nya dna n Yesu Kristi yi gniyi. N hola honyi ga n Yesu aduwa nyakun. Hoba kpege, yizhi n alaifi danu vinya. Ama ntu yia laifi bo Shekoyi waye anyi, har wa wo fi gmanyi, ga ntuge zaho-zahoyi n wa gawo gaiciya wota bwim ama woba bwa wye wyeyi nyalo nyalo nya.

Shi osu nyiko bewo abeye vinya wapmi wa. Owo bugba ga Yesu n gaiciya gayi, wa wo bugba ga wo, ntu ge owonua fi ntu wobo, n zundu. Owonu na zewo amiya, wo zhan yiya mbai. Nna alaifi zoko, wa wo bugba alaifi nya laga Yesu. Shekoyi, wa gawo bugba woi woi, wa nuwo nwo zafun gyi gyi yi. (Holy Spirit).

Aye n mwa begye lo n saiye. Nyikoyi woi gyi. Woi sin, woi nya agbmada, kpe n wye wye woi woi yi, n Yesua gawo nyi, wote yelo wa sin ojen njesun (wine) wota yelo ge taba ko wu viyi n woin. Ko nya sin sin doho dohoi n. Wola la woi ga Shekoyi beda gaiciya, nge Yesu nu ga anyi. Wye wyeyi woi woi abo a kokoyi, bala kuya nsaiye. Baku ze a woi woiyi. (2 Kor. 5:17)

Ohonyi bwigyi ba littafi ye nkonyi Shekoyi n wye wyeyi. Woi woi yi lo dna n Yesu oye mi, Yesu wagna fyebe mi aba efye vinya azhingyeyi, akaya shanwo shiyi. Omi miba gafye sun sun, fyebe Yesu aba n na laifi doho dohoi nfyencei, ha gna wo oho anyi gye, wota gyisa nhoi n ha bewo aba n bugbayi gbmanyi. Ko hoi lo aduwa nyakun. Hoku aye bwa shiba (20 years) du du du alaifi n hoi papayi. Be Yesu aba woba gaho sun sun, bedo n bugba woi woi yi. Oza nwa wohin zhanya, nna nyipyeyi ye. Yesu nunyi nnaiye bedo n suyi. Wonlo har nyalo nyalo. Cenu zhin woi ga aza wye wyeyi n sun sun yi, n habe Yesu aba n na laifiyi nho zhin nyi, wa ze owo ami ya ntu yibo nu ya po. (Zabura 103:3).

Nha ho wye wyeyi ga Yesu, haku gna anyi vinya. Wato Shekoyi beda, owo nwa gniho n na laifi nyi. Oyi yiba kabe ya wo gni gni n na gaho nyi n ho gbe.

The popular "Heart Book" with its soul-saving message is obtainable in over 500 languages. Many have found salvation even just by looking at the pictures.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)